



UNIVERSITÄTS-
BIBLIOTHEK
PADERBORN

Clypeus Theologiæ Thomisticæ

In Tres Partes Divisus, Et Quinque Voluminibus Comprehensus
Tractatus de Prædestinatione, de Trinitate, de Angelis, & de homine

Gonet, Jean-Baptiste

Coloniæ Agrippinæ, 1671

§. I. Statuitur vera sententia,

[urn:nbn:de:hbz:466:1-77146](https://nbn-resolving.org/urn:nbn:de:hbz:466:1-77146)

§. I.

Statuitur vera Sententia.

59

Dico tamen: Angelus cognoscit directe singularia, & omnia eorum accidentia, per eandem speciem, per quam naturam specificam illis communem intelligit. Ita S. Doctor, quoad individua precise, hic art. 2. in corp. & in solutione ad 3. his verbis: *Dicendum quod Angeli cognoscunt singularia per formas universales, quae tamen sunt similitudines rerum, & quantum ad principia universalia, & quantum ad individuationis principia.* Quoad accidentia verò quodlib. 7. art. 2. in solutione ad 1. ubi sic ait: *Sicut autem per unam speciem concretam potest Angelus cognoscere diversa individua, ita etiam multo amplius potest per unam cognoscere quicquid est in uno individuo: ut non oporteat eum aliam speciem habere, quae cognoscat colorem & odorem unius pomi, sed simul cognoscendo hoc pomum, cognoscit quicquid est in pomis illo, & essentialiter, & accidentaliter.*

60

Probatur unicà, sed efficaci ratione. Species quae Angelus utitur in cognitione rei materialis, non representat precise naturam specificam, sine singularitate; sed simul utrumque, etiam directe, cum omnibus accidentibus: Ergo per eandem speciem cognoscit directe singularia, & omnia eorum accidentia, per quam naturam specificam illis communem intelligit. Consequentia patet. Antecedens probatur. Species, quae utitur Angelus ad cognoscendam rem etiam materialem, est participatio immediata divinae essentiae, secundum quod habet rationem speciei intelligibilis: Ergo sicut essentia divina non representat solam naturam specificam, sed etiam ad rationes individuales, cum omnibus earum accidentibus, directe extenditur, ita & species quae utitur intellectus Angeli. Probatur Consequentia: quia effectus debet, quantum fieri potest, assimilari suae causae: non est autem impossibile, si non repugnat, neque ex parte essentiae divinae in ratione speciei considerata, neque ex parte ipsius speciei Angelicae, ab ea per participationem derivatae, quod haec sicut illa representet simul naturam specificam, ejus individuationem, & omnia ipsius accidentia: Ergo de facto species Angelica haec omnia representat. Probatur Minor quoad speciem Angelicam (nam ex parte essentiae divinae satis constat nullam esse repugnantiam) probatur, inquam, quia cum hac universalitate praedicta species remanet adhuc, etiam in representando, finita simpliciter, & solum infinita secundum quid; quatenus scilicet, representando naturam specificam, representat simul omnia ejus individua, etiam possibilia, contenta in virtute causarum naturalium pertinentium ad hoc universum; ad quod non requiritur infinita perfectio in tali specie; sicut ad hoc ut natura specifica, per eam representata, omnia sua individua, etiam possibilia, contineat, non desideratur in ipsa infinita perfectio, ut magis patebit ex solutione argumentorum. Atqui si in huiusmodi specie non requiratur infinitas ad omnia supra dicta simul representanda, nulla potest dari repugnantia quin ea representet: Ergo &c.

61

Confirmatur primò: Anima nostra per plures species & potentias cognoscit directe naturam specificam, ejus individua, & accidentia: Ergo per eandem speciem & potentiam debet

A Angelus directe & simul cognoscere ea omnia. Probatur consequentia: quia quae possunt conjungi.

Confirmatur secundò: Ideò species quae utitur intellectus noster, pro statu praesenti, solum per abstractionem à phantasmatibus, atque ab eo utitur Angelus; utpote quae non definitur atque propter quam concedi non debeat, quod representet directe & simul naturam specificam & quae

B.

§. II.

Solvuntur obiectiones.

Objicies primò: Si species angelicae naturam aliquam specificam representantes, omnia ejus individua manifestarent, essent infinita perfectionis: Sed hoc dici nequit: Ergo nec illud. Sequela probatur: Intra quamlibet naturam specificam possibilia sunt infinita individua: Sed posse infinita individua representare, infinitam perfectionem dicit. Ergo si species angelicae naturam aliquam specificam representantes, omnia ejus individua manifestarent, essent infinita perfectionis.

C.

Respondeo ex Divo Thoma quaest. 20. de veritate artic. 4. ad 1. ex eo quod species Angelicae possint infinita individua representare, non loqui illas esse infinitas simpliciter, sed tantum secundum quid: sicut natura, sub qua continentur infinita illa individua, est solum infinita perfectionis secundum quid; quia non obstante quod sub se infinita contineat, est definita ad certum genus, certamque differentiam; & sicut scientia indita animae Christi se extendit ad infinitas cognitiones & actus amoris, quos Angeli & Sancti per totam aeternitatem eliciti sunt; & tamen est simpliciter finita, & solum secundum quid infinita, ut docet idem S. Doctor loco citato & 3. quaest. 10. art. 3. ad 2.

D.

Dices cum Scoto: Ubi pluralitas numeralis requirit majorem perfectionem, ibi infinita pluralitas requirit infinitam perfectionem simpliciter; sicut si portare simul plura pondera, inferat virtutem intensivè majorem; posse simul portare infinita, arguit virtutem infinitè intensam, sive intensivè infinitam: Sed posse representare plura individua, dicit majorem perfectionem, quam posse representare unum tantum: Ergo posse representare infinita, arguit in specie angelica infinitam virtutem simpliciter.

E.

Respondeo Majorem esse veram, quando pluralitas numeralis requirit majorem perfectionem secundum intensionem determinatam, ut contingit in exemplo adducto, non tamen quando requirit majorem perfectionem secundum gradum specificum ordinis superioris: stat enim quod una perfectio alicuius ordinis, quamvis simpliciter finita sit, tanta tamen sit perfectionis quod excedat infinitas perfectiones inferioris ordinis, & eminenter aequivalat eis; ut patet in actu charitatis, qui aequivalat quantum ad beatitudinem & perfectionem, imò superat infinitas actus amoris naturalis: unde ut una species Angelica aequivalat infinitis speciebus nostris, quarum quaelibet unam tantum quidditatem, vel